



古今事文類聚

七 遺集

~~99~~
~~96~~

遺通文庫
文庫 6
28
96



新編古今事文類聚遺集卷之七

建安 祝淵 宗禮 編

金陵 唐富春 子和 刊

省屬部遺

給事中

此下補新集省屬之後

歷代沿革秦加官漢因之所加或大夫博士議郎掌左右顧問
應對位次中常侍侍中黃門諸給事中日上朝謁平尚書奏
事分為左右曹以有事殿中故曰給事中多名儒國親為之
東漢省漢復置或為加官或為正員晉無加官亦無常員在
散騎常侍下給事黃門上武冠絳朝服宋齊隸集書省梁陳



亦掌獻納省諸奏聞後魏無員北齊亦屬集書省凡六十人
後周天官之屬有給事中士六十人掌理六經給事左右隋
初無開皇六年始於吏部置給事郎煬帝移為門下之職位
次黃門置員四人以省讀奏案唐改給事郎為給事中前代
雖有給事中之名非今任也今之給事中蓋因秦之名用隋
之職通典龍朔改門下省曰東臺東臺舍人番拱改曰鸞臺
開元曰黃門省天典**宋**淳化四年以右諫議大夫魏庠知制
誥柴成務同知給事中事凡制勅有所不便宜準故事封駁
九年詔停廢知給事封駁公事自是始以封駁司隸銀臺會
要元豐五年四月知諫院舒亶試給事中自是給事始正除
為職事官續會要故事中書進熟進草惟執政書押官制行

給事中獨書畫黃而不得書草舒亶疑之神宗云造令行令
職宜分別詔給事中許書畫黃不書草著為令元祐元年門
下中書言後省修成所有省曹寺監條貫合冠以門下中書
後省為名從之紹聖四年葉祖洽言兩省置給舍廟堂設施
得以更相驗令使舍人兼封駁則給事職廢詔特旨書讀不
回避餘令互書元符二年曹筆言門下駁正中書違失近給
事封駁中書錄黃令舍人書讀墮壞官制宣和元年張叔夜
言命令之出中書宜奉門下審讀尚書頒行而密院被旨亦
錄付門下省神宗制也今急速文字不經三省諸房以空黃
先次書讀則審讀始成虛設乞立法禁從之續會要建炎間
因舊制置門下後省以給事中為長官四員為額中興會要

事類彙編卷之三

紹興二年韓世忠賞功文字給事中賈安宅除工部侍郎門下後省關官乃詔檢正李與權書讀此事亦前所未有也中典會要

羣書要語紫垣

仙掖

東掖

黃閣

並晏公類要

給事黃門

職在出納

曲阜除龔厚制

惟東臺論駁之司乃萬事出納之地

初僚除毛友制

左省駁議不畏強禦

杜牧之行崔瑗制

給事東

閣實掌駁議

白集除劉伯芻制

守駁正之任道不依違

孫奭制

朕付基命於中書付審駁於門下有事殿中之官實專閱讀之

任其還東臺出納惟允

曲阜除葉濤制

有事殿內之臣職在於

乎奏述詳論命令駁其違者而正之覆其善者而行之至於決

獄官人及驛遣使申冤滯察苛撓莫不總焉南豐擬制俾并瑣

闡以備顧問

白居易制

詩句

飄飄青瑣郎文來珊瑚鉤

杜甫

平生批勅手淡墨寫黃紙

東坡

儒者給事中顏公甚魁偉

黃山谷

瑣闥昔年司制誥共嘉

文藻類相如

太宗賜楊億詩

古今事實

黃門

唐德宗以王緯為給事中稱曰黃門要地

唐書

又黃門有書廳

之署

漢官儀禁門曰黃閣內人主之

漢輿服志

青瑣

給事黃門侍郎掌侍從左右開通中外及諸王朝見於殿中引

王就坐漢舊儀曰黃門滿黃門今日莫入對青瑣門拜名曰夕

事文類聚遺集

師古曰刻為連瑣文而青塗也衛瓘注吳都賦
又青瑣門在南宮官閣簿又青瑣戶邊青鏤也顏

小門下

謂給事中小門下齊世呼待中為門下給事黃門為小門下
雞距通典

用名儒國親

胡伯始曰給事常侍從或名儒或國親東方朔中郎為給事中
劉向諫議大夫為給事中後胡廣傳

賜爵關內侯

蕭望之漢元帝詔曰望之傳朕八年厥功茂焉可賜爵關內侯
給事中贊曰身為儒宗有輔佐之能近古社稷臣也漢本傳

以明經拜

前漢鄭眾以明經拜給事中本傳

任熙立德

任熙為給事中立德邈然晉書

清正廉潔

晉武帝詔燕王陳劭清正廉潔博通六籍宜在左右以敦儒訓
可給事中晉起居注

忠篤履正

晉武帝詔曰郎中張達忠篤履正為江表士大夫所稱宜在中
朝以達為給事中同上

駁止詔勅

事文類聚遺集

給事中掌侍左右分判省事凡日司奏抄侍中既審則駁正違失詔勅不便者塗竄而奏還謂之塗歸隋百官志

駁奏無私

盧鈞字子和有大詔令必及後省審駁奏無私唐本傳

給事草制

正元中上命盧杞為饒州刺史給事郎袁高宿直當草制遂執以謂宰相不悅遂改命舍人草制按此則給事宿直亦草制耶當考晏公類要

有宰相器

李藩字叔翰遷給事中制勅有不可遂於黃勅後批之吏曰宜別連白紙藩曰別以白紙是文狀豈曰批勅耶裴增言於帝以

為有宰相器遂拜相故史臣曰批勅有夕郎之風唐本傳

臚傳詔旨

齊映為人白皙長大言音鳴爽帝令侍左右或馬前臚傳詔旨唐本傳

鸞者如舊

唐薛存誠再除給事中仍是本廳鸞者凡榻杖履如舊晏公類

數以忠進

孔穎達太宗新即位數以忠進唐本傳

古今文集

雜著

辭免除吏部侍郎兼給事中奏

洪咨夔

事文類聚

渙綸為奕震魄正管巨竊以銓省者人材之權衡瑣闥者國是之綱紀裴行儉以知入之鑒顯張元素以回天之力稱匪得譽髦曷當妙選如臣者背時謀辱遇主光榮鳳城代言兼徼鑾坡之直虎門勸講仍紬石室之藏皆井不可以汲深弊軍尤難於任重謝焉濫量奇甚纏痾屢退乞於叢祠忽進聯於法從貳題才而既重泰批敕以尤嚴求閑獲遷服寵知懼欲望皇帝陛下官必懋德器母假入念輔頰欲穿真稱論忠之職而精神已索難居閣讀之司母拘反汙之嫌特狗祝釐之請用安愚分庶保危蹤

律詩

寄毗陵楊給事

劉禹錫

揮毫起制來東省。蹀足修名謁外臺。好著綵鞵莫惆悵。出入武是全才。

和盧給事

姚合

鴛鴦簪裾上龍尾。蓬萊官殿壓黿頭。夕郎夜直吟仙掖。天樂和聲下禁樓。

再除給事作

薛存誠

再入青瑣闈。忝官誠自非。拂塵驚物在。開戶似僧歸。積草慚無徑。殘花猶洒衣。禁闈偏近日。行坐是恩暉。

絕句

王維

禁裏疎鐘官舍曉。省中啼鳥吏人稀。晨搖玉佩登金殿。夕奉天書拜瑣闈。

皇朝詩林選集

卷之七

六

又

南省推丹地東曹拜瑣闈惠移雙管筆恩降五時衣

沈佺期

又

沈佺期

衆積遺常禮朋儕隔等威旭日千門啓初春八舍歸贈蘭闈宿昔談樹隱芳菲

又

沈佺期

言從温室秘籍向瑣闈通分曹八舍斷解袂五時空

中書舍人

歷代沿革漢尚書郎直宿建禮門奏事明光殿下筆爲詔誥出令語爲誥令乃今中書舍人也通典注魏置中書通事舍人

書省以中書侍郎一人直西省即侍郎兼其職而掌其詔命

宋初復置通事舍人四員入直閣內出宣詔命凡有陳奏皆舍人持入參決於中自是中書侍郎之任輕矣齊永平初中

書通事舍人四員各住一省時謂之四戶權傾天下與給事中爲一流梁用入殊簡以才能不限資地多以他官兼領後

除通事字直曰中書舍人自是詔誥之任舍人專之魏普已來詔誥皆中書令及中書侍郎掌之後魏有舍人省後周小

史上士二人隋內史舍人八員煬帝減四人後改爲內書舍人唐武德三年改中書舍人置六員通典掌待進奏議表章

凡詔旨制敕璽書冊命皆起草進畫既下則署行百司奏議文武考課皆預裁焉以一人知制誥顯進畫給食于政事堂

其餘分署制敕以六省分押尚書六曹又分云樞六司佐宰

相判按同署職林龍朔改西臺舍人光宅改鳳閣舍人開元

改紫微舍人又曰紫微省唐會要宋中書舍人為所遷官實

不任職復置知制誥及直舍人院故事入西閣皆中書召試

制誥二篇惟梁周翰不召試而授焉其後薛映梁鼎楊億陳

堯佐歐陽脩亦如此例按長編薛映梁鼎皆召試翌日與億

並命會要誤也元豐五年曾鞏陸佃竝試中書舍人自是始

正官名續會要遂以中書舍人判後省之事分案五曰上案

掌冊禮及朝會所行事曰下案掌受付文書曰制誥案掌書

記制詞及試吏校其功過曰諫官案掌受諸司閏報文書曰

記注案掌錄記注其雜務則隨所分案掌之元祐初以蘇轍

直舍人院有司言自官制行舍人院廢今為中書後省於是

改為權中書舍人遂為故事後詔舍人名簽諸房文字其命

詞則輪白分草續會要中興置中書後省以中書舍人為長

官六員常除二員一員領吏房及兵工房一員領吏房右選

及禮刑房中興會要嘉泰四年李季章壁以宗正少卿權中

書舍人而中字犯祖諱季章辭有旨權以直舍人院繫銜乃

受命不知舍人院廢已久矣蓋大臣失於討論也一時在廷

鮮有能辨之者

臺書要語擢於綸閣列在禁闈李吉甫劄司言鳳綽揮翰龍池

陳拾遺集為陳舍人遜官表紫機務重青紙任隆同上鳳池清

切雞水深嚴文粹張旌為奏廻翔青瑣典掌紫泥白氏六帖自可

曳裾紫禁仗奏青規助朝廷之光輝贊明時之喉舌芝泥發彩
宣鳳藻而騰文蘭檢浮香潤龍縑而動色注內禁地以青規畫
故曰青規漢儀天子制詔以紫芝為泥以封注又蘭英為檢紫芝
為泥黃縑為制勅也文粹張鷟奏自列內朝兼司詔命事煩而

益密職以而彌精寵以正名或光禁職白居易集崔羣舍人制
而能艾繁辭刻弊句使吾文章言語與三代同風引之而為綸
綍垂之而為訓誥秉筆者莫敢爭能白集元稹舍人制東西置

省是陛下內臺股肱之司晏公類要西臺本政事之地內史專
誥命之文初寮除賈安宅制參典王命之官於今號為清選曲

之目初寮行張叔夜制政令之出公卿為朕行之臺諫為朕言

之方其未行內史舍人得聞其議與其既行而後言孰若未行

而議之哉樂城制詞三殿內朝日趨翔於文陛六飛法從時陪

扈於屬車常瞻咫尺之光專裁寬大之詔楊文公集勅以辭藻

可使書誥命而專右席白集更敬休知制誥制鼓三變之文潤

色王度李吉甫制詞蘊冲用以究國經鋪訓詞以潤王度宋申

錫制

詩句東壁圖書府西垣翰墨林張說上君白玉堂謂中書也杜

甫贈張九齡躍鱗龍鳳池揮毫紫宸裏申伯玉中書郎討論潤

色今為美學問文章老更醇王介一宮早要稱三字注三字謂

知制誥陳后山擲毫終要居三字出郡終須借一麾王禹偁聯

飛仙掖舊心明古詩獨有鳳凰池上客陽春一曲和應難岑參

和賈舍人
清切丹禁靜浩蕩文河注
上官儀酬薛舍人

古今事實

鳳閣舍人

徐堅字元固聖曆中楊再思王方慶為東都留守引堅為判官
表奏專委之方慶嘗稱曰掌綸誥之選也再思曰此鳳閣舍人
樣職林

不納私財

唐敬宗初登極路隋拜中書舍人翰林學士仍賜金有以金帛
謝除制者叱而却之曰吾以公事接私財耶終無所納

獨賜古物

南齊傅昭為中書通事舍人時居此職者皆權傾天下獨昭廉

靜無所干預器服率隨明帝聞之賜漆合燭盤勅曰卿有古風
故賜以古物南史

出納忠謹

晉劉超遷中書舍人時臺省創建內外多事超出納書命以忠
謹稱本傳

誥命之敏

前蜀庾楷進中書舍人時署百司誥命填委皆有典則人服其
敏分紀

文成於心

梁裴子野掌詔誥或問其為文速者子野荅曰人皆成於手我
獨成於心職林

事文類聚

卷之七

九

謂之閣老

唐楊綰為中書舍人故事舍人年久者為閣老其公廨雜料獨取五之四至綰悉均給之本傳

清平官

南詔謂詞臣曰清平官南越志

世稱三才

唐魏收兼中舍與溫子升邢子才齊譽世稱三才魏收傳

時號四俊

張嘉貞為中書令薦中書苗延嗣呂太工等四人皆位清要日與議政事時號令君四俊張嘉貞傳

不留制草

高郢為中書舍人九年家無制草或問之曰前輩皆有制集公獨焚之何也荅曰王言不可存於私室職林

雞棲木

魏晉世語曰劉放孫賀共典樞要夏侯獻曹肇心內不平殿中有雞棲木二人相謂此亦久矣其能復指謂中書監劉放中書令孫賀初學記

四禁七制

唐故事漏泄稽緩違失妄誤謂之四禁分紀唐制故事王言之制有七冊書制書慰勞制書發日勅勅牒勅旨論事勅書晏公類要

文辭稱蘇賈

賈曾開元初拜中舍與蘇晉同掌制誥皆以文辭稱出本傳

詔誥稱常楊

楊炎為中書舍人與常衮並掌綸誥衮長於除書炎善於德音自開元以來詔誥之美時稱常楊本傳

文章宿老

唐李矯字巨山為鳳閣舍人文冊大號令多主為之矯富才思然其任前與王勃楊盈川接中與崔融蘇味道齊名晚諸人沒而為文章宿老一時學者取法焉本傳

有大手筆

唐李矯為中書舍人朝廷每有大手筆令矯為之職林

上五事

高馮為中書舍人列上五事唐本傳

發十難

唐韋處厚穆宗時為中書舍人時張平叔以稔佞進欲羅陷處厚發十難以詰之帝乃知害民平叔始踈斥本傳

海內共推

虞世南拜內史舍人柳顧博學罕所推許至是與世基相見歎曰海內當共推此一人唐本傳

灑翰泉湧

鄭畋薦中書舍人咸通十年討徐方書詔旁午畋洒翰泉湧動無滯思同僚閣筆推之本傳

揮翰如飛

陸扆拜中書舍人扆文思敏速初無思慮揮翰如飛文理俱愜

同僚共推其能本傳

言最精密

唐孫逖典詔誥為代言最而逖尤精密張九齡視其草欲易一字卒不能也職林

長於應猝

常表文采瞻蔚長於應猝譽重一時唐本傳

工於冊奏

顏師古遷中舍掌機密時軍國多務凡制誥皆成其手冊奏之工時無及者本傳

分口占授

岑文本善職而敏速或策令叢遽勅吏六七人泚筆分口占授

咸無遺意職林

執筆分占

王勃長壽中為鳳閣舍人壽春等五王出閣有司具儀忘載冊文勃召五吏執筆分占其辭粲然本傳

一代詞宗

唐吏部郎中張九齡一代詞宗為中書令引韋陟為中書與梁涉對掌文誥時人以為美談職官分紀

煥成文章

武德及開元中有顏侍陳叔達蘇頌云大手筆掌書王命故一朝言語煥成文章唐大詔令

一人辦事

孫處約為中書舍人累年中令杜正倫奏請更授一人與處約同知制誥高宗曰處約一人足辨我事何須多也唐會要

獨直兩省

權德輿字載之為起居舍人歲中兼知制誥進中書舍人獨直兩省數日一還舍乃上言左右掖垣承天子誥命奉行詳覆各有攸司舊制分曹十員以相防檢大抵事有所獲則吏得為非四方聞者或以朝廷為之重要重之司不宜久廢帝曰非不知卿之勞但擇如卿者未得其人耳本傳

解事舍人

唐故事中省有軍國政事則中書舍人各執所見雜署其名謂之五花判事中選一人明練事者知機密謂之解事舍人通鑑

分司押事

李泌曰給舍分司押事故舍人謂之六押

著三足記

唐盧景世嘗謂人君足食足兵而又得士天下可為也乃自軒轅以來至唐劉治道之要著書號三足記職林

撰五經訓

徐邈在兩省撰正五經音訓學者宗之本傳

出寶圖賦

崔融為文華婉當時未有輩者朝廷大手筆多勅委之其洛出寶圖賦尤工唐書

上清暑賦

崔仁師。太宗時幸翠微宮。上清暑賦。以諷帝。賜帛五十段。

文陣雄帥

唐蘇頌傳。張九齡嘗覽頌文卷。謂同列曰。蘇生之後。瞻無敵真文陣之雄帥也。

文場元帥

唐張九齡號詞人之冠。又號文場元帥。

文士極任

唐自永淳以來。天下文章道盛。臺閣髦彥。無不以文章達。故中書舍人為文士之極任。朝廷之盛選。諸官莫比焉。

人物精鑒

裴增為中舍。李吉甫執政。以精謂增曰。比日人物吾情不及知。

精鑒為我言之。增即疏。平許人吉甫薦于朝。

文思溫雅

唐王仲舒自職方郎中知制誥。文思溫雅。制誥所出人皆傳寫。

掌兩宮誥

唐徐浩。肅宗時拜中書舍人。時天下事殷。詔令多出於浩。浩屬詞贍給。又工楷隸。肅宗悅其能。加兼尚書右丞。元宗傳位。誥冊皆浩為之。參掌兩宮文翰。寵遇莫比。職官分紀

最宜為誥

王仲舒。穆宗立。每言仲舒之文可喜。最宜為誥。有古風。召為舍人。既至。視同列。率新進少年。居不樂。曰。豈可復治筆硯於其間哉。行狀。

咨訪大政

齊澣字洗心。開元初。姚崇為相。用為給事中。中書舍人論駁及誥詔。皆援準古誼。朝廷大政。必咨之。時號解事舍人。本傳

潤色訓誥

唐順宗除裴度中書舍人。制曰。度以茂學懿文。潤色訓誥。體要典麗。甚得其宜。施之四方。朕命惟允。况中立不倚。道直氣平。介然風規。有光近侍。臺官滿歲。班列當遷。綸閣之職。所宜其授。

封還詞頭

長慶元年。中書舍人白居易奏。獨孤朗岳州刺史。温造朗州刺史。李肇潭州刺史。王鎰鄧州刺史。令臣撰詞。四人出官詞頭。臣以封訖。未敢撰進。伏待勅旨。穆宗實錄

屢獻讜言

蘇晉先天中。為中舍。屢獻讜言。天子嘉允。本傳

有諍臣風

唐柳公權為中書舍人。充翰林書詔學士。文宗便殿。語及漢文恭儉。帝舉袂曰。此澣濯者三矣。公權曰。人主當進賢退不肖。納諫諍。明賞罰。以澣濯之衣。乃小節爾。文宗謂之曰。極知舍人。不合作諫議。以卿言事。有諍臣風采也。翼日降制。以為諫議大夫。知制誥學士。如故。分紀

居官鯁正

宋璟為中書舍人。居官鯁正。本傳

敷奏機辯

馬周字賓王為中書舍人善敷奏機辯明銳動中事會時譽歸之岑文本曰吾見周論事多矣一字不可加一言不可減唐本傳

草詔賜錦

封敖為學士拜中書舍人文思敏速武宗深重之嘗草陣傷邊將詔盤局云傷居爾體痛在朕躬帝覽而善之賜之官錦分紀

納言賜錦

高鉞為中書舍人入見帝因勸躬墜以示憂勤帝納其言賜錦綵同上

報藥石言

唐太宗時中舍高季輔上封事特報鍾乳一劑曰卿進藥石之言故以藥石報之本傳

進諫賜金魚

吐突承璀於軍中立聖政碑李絳以為不可許憲宗初甚怒絳語不已上卒大開悟故除絳中書舍人翼日又面賜絳紫衣金魚上親為絳擇良笏勉之曰爾時無易此心續通典

問古今事

崔琳明政事開元中與高仲舒同為中書舍人侍中宋璟親禮之每所訪逮嘗曰古事問仲舒今事問琳本傳

咨訪政事

故事政事中書堂有門蓋宰相時適中書舍人院咨訪政事以自廣也及常衮相塞絕其門以示尊大不相往來續通典

成一家言

事文類聚卷之...

楊嗣復除中書制貞元中汝父為中書舍人甚稱厥職今使汝繼書言命成一家言堂構國華在於此舉唐大詔令

三世居職

孫簡知制誥進中書舍人初述掌誥至代宗時族祖宿又居職逮簡凡三世

三世制誥

唐李德林李百藥李安期三世掌制誥職林又張嘉正武后時進中書舍人崔寔輕之後與議事止出其上寔驚曰此終其坐後十年而為中書令子延賞延賞子弘靖三世掌書命又徐堅祖孝德父齊聃及堅三世為中書舍人皇朝衣冠無以為比又徐嶠父子自祖及孫三世為中書舍人又王徽字昭文曾祖擇

從昆弟四人至鳳閣舍人者二人故號二世舍人集賢記注

父子同在

蘇廷碩為中書舍人時父環同中書門下三品父子同在禁院朝廷榮之元宗平內難書詔填委獨廷碩在大極後閣口所古授功狀百緒輕重無差書吏白公曰巧公徐之不然手腕矣李嶠曰舍人思若泉湧本傳

父子繼美

唐賈至天寶末為中書舍人肅宗即位於靈武上皇遣至為傳位冊文上皇覽之歎曰昔先帝遜位於朕冊文則卿之先父所為今朕以神鼎太寶付儲君卿又當演誥累朝盛典出卿父子之手可謂繼美矣職林

叔侄對掌

封氏自太和世居兩制。舜卿從子德昭時為翰林。舜卿時為中舍。叔侄對掌。詰命當時以為榮。封敷傳

兄弟相代

韋思謙二子承慶嗣立。承慶解鳳閣舍人。武后謂嗣立曰。爾父嘗稱二子忠孝。今使卿兄弟自相代。即拜鳳閣舍人。唐本傳又南漢趙光裔以膳部郎中知制誥。時兄光逢為翰林學士。兄弟對掌內外制。時論榮之。九國志

西掖八年

唐權德輿四歲能為詩。後為中書舍人。居西掖八年。間獨掌者數歲。職官分紀

斷窓舍人

楊洎為中舍時。催作制敕。令史將鑰匙出。無米可檢。乃斷窓取得本。時號斷窓舍人。職林

宰相判官

中舍時為宰相判官。唐盧氏雜記

見石思入

薛元超道衡孫也。為中書舍人。中書省一盤石。初道衡為內史侍郎。嘗踞而草制。元超再見此石。未嘗不泣然流涕。唐本傳

為文中和

許景先為中書舍人。以文翰見稱。中書令張說嘗稱曰。許舍人之文。雖無峻峰激流。斬絕之勢。然屬辭豐美。得中和之氣。唐本傳

制誥典雅

南唐韓熙載為和州司馬父之召為中書舍人乃始親職制誥典雅有元和風九國志

有宰相器

後周范質漢初加中書舍人戶部侍郎周祖征三叛每朝廷遣使齊詔處分軍事皆合機宜周祖問誰為此辭使者以質對周祖歎曰宰相器也事畧

十年正任

張洎計偕之歲為潤帥燕王冀所薦首謁韓熙載一見待之如故舊謂洎曰子好一中書舍人頃之韓主文柄洎亦擢第不十年間果正絲綸之任職官分紀

一月遂罷

真宗祥符九年知制誥樂黃自知開封初黃自召試上以黃自久任外官試制誥二篇入西閣不一月遂罷長編

訓誥有程範

宋敏求知制誥訓辭誥命皆有程範言行錄

詔詞激烈

劉琪謚忠肅兼中書舍人會金虜渝盟天子悉師北向以雪讐耻復疆土一時詔檄多出公手詞氣激烈聞者感動或至泣下朱文公撰行狀

分日命詞

元豐詔中舍分頽六房隨所頽命詞後復分日會要

立馬一揮

劉敞字原夫在西掖時一日追對皇子公主九人敞府下直爲之立馬却坐一揮九制數千言已就神宗實錄

占紙肆書

曹鞏擢中書舍人屬新官制遂掌書命於是更置自官舊舍人無在者已試即入院方除自填委占紙肆書初若不經思于滯盡授草院吏上馬去凡除郎御史數十人所以本法意原職守而爲之訓勅者人人不同咸有新趣而衍裕雅重自成一家錄

編討羣籍

至道中和蒙知制誥蒙之直中書每草詔必閉戶精思編討羣籍而後成沙州表求經藏碑詔蒙撰以賜之蒙遣廝借佛書數

于羌人傳以爲契國史

經宿進碑

宋初王祐拜中舍史館受詔撰普照王碑經宿上進中外驚其神速事畧

七字舍人

呂溱傳溱開敏善議論一時名輩推許然喜自貴重見賓客不及數言時號曰七字舍人云

文章獨步

王禹偁能屬文太宗方獎拔文士召拜右拾遺禹偁上端拱箴以爲誠尋知制誥上嘗稱之曰王禹偁文章當今天下獨步錄時稱楊陳

陳從易字簡夫知制誥與楊大雅同在西掖時謂之楊陳事畢

常楊不逮

鄭戩字天休知制誥詞深雅時謂之常楊不逮也事畢

有常楊風

鄭戩因文定公李迪薦其才累為知制誥詞深雅有常楊風

有元白風

謝絳字希深權知制誥文章典雅有元白風並同上

有三代風

曾鞏權中書舍人不俟入謝論使就職時自三省至自執事選授一新除吏且至數十人舉其職事以戒辭約義盡論者謂有三代之風上亦數稱其典雅言行錄

有西漢風

王珪知制誥其文典麗有西漢風嘉祐初為翰林學士事畢

詞有古風

彭汝礪元祐中拜中書舍人賜服金紫詞命雅正人以為有古風言行錄

召試之制

執事官差除皆除自先下惟中書舍人宰相得言朝退遣直省官召詣都堂回傳旨召試被命者致辭丞相謝之直省官徑引入中書省前期侍郎廳設幕次几案于中就坐少頃本省吏房主首持丞相封題自來即就試中書具食罷侍郎致茶果是日宰相住省俟納卷始上馬翼日進呈除自方下蓋召試之制也

有恩遲不即就者往往過期或為留內門然已不稱職矣嘉祐
間有試而不除改天章閣待制者石林燕語

不復命試

陳文惠公兼佐天聖初知制誥故事知制誥者先試其文辭天
子以公文學天下所知不復命試自宋朝以來不試知制誥者
唯楊億及公二人而已言行錄

不試而命

宋朝之制必先試而後命有國以來不試而命者纔三人楊億
陳堯佐及脩忝與其歐陽公歸田錄

蘇劉免試

元祐元年起居舍人蘇軾擢為中書舍人十二月直龍圖閣劉

攸為中書舍人並免試會

楊錢免試

元豐七年十月詔起居郎楊景略左司郎中錢勰並為中書舍
人一人奉使高麗方還在道並擢之同上

一佛出世

太宗嘗云朝廷每除一舍人一六親相賀諺云一佛出世國史

夢草制誥

孫抃夜中夢明憲下草制誥其後第二人及第知制誥如夢云
父子繼任

王旦拜右正言知制誥父祐以清名入掌書命不十年且繼其
任時論美之錢若水有人倫鑒與之同列每曰王君凌霄聳壑

事類彙編 卷之七
梁棟之材非吾所及也分紀

父子掌誥

父子掌誥宋初至熙寧元年凡九家李文正昌武王兵部文正王思獻安簡晁文元文莊錢希白修懿梁翰林莊肅呂文靖宋宣獻公敏求蘇儀甫子容春明退朝錄

出領外藩

雍熙四年以右補闕知制誥范杲為工部郎中知京兆府知制誥出領外藩自是始也四朝會要

始除簽樞

直舍人院祖宗時有之嘉泰四年李季章壁以宗正少卿權中書舍人而中書故事小兩制未有除執政者乾道二年蔣子禮

始自中書舍人除簽書樞密院事朝野雜記

翰苑兼西掖

洪适為翰林學士仍兼中書舍人輔臣奏自來無翰苑下兼西掖者上曰洪某在後省甚振職且要其整頓綱紀故事給合繳駁施行者皆封付三省秦項提舉太平宮某奏秦檜欺天盜權戕害忠直當錮其子孫即時御筆依奏乃封付某明日召對上曰所論甚當異日有繳奏只批勅進來不須聯章盤洲老人小傳

閣老壓角

舍人院每知制誥上事設紫褥於庭向北拜廳閣長立褥之東北方謂之壓角長衣作掖垣叢誌而不解其事按唐舊書亦無聞焉唯裴廷裕王陵遺事云舍人上事知印宰相當壓角則

事類彙編 卷之七 二二二

其禮相傳自唐也予為舍人日邵興宗入院不疑為舍人閣長
壓角而時議美之朝野雜記

犀帶佩魚

霍端友傳徽宗時為中書舍人服金紫故事唯服黑角帶帝顧
見之曰給事舍人等耳而服飾相絕如是始命犀帶佩魚四朝

親家閣榜

寶元元年七月新作舍人閣上親家其榜曰紫微閣仁宗實錄

又劉放字貢父元祐中拜中書舍人請復古制建紫微閣於西

省四朝國史劉放傳

命典王府

曾鞏元豐為中書時哲宗為延安郡主命鞏典王府歲奏故事

翰林掌之上特命鞏

會要

獻皇極箴

治平元年知制誥祖無擇獻皇極箴賜詔褒之職官分紀

賜燭歸院

了未錄夕時上神宗召知制誥鄭毅夫獮對內東門小殿命草

具奎知普州張方平參知政事制賜雙燭送歸舍入院一府無

知者明且且進草遂付中書出誥國史

召赴曲宴

太宗皇帝留心儒術旌賞文翰時繪閣之士始召赴曲宴或令

和詩舍人從遊宴自此始也職官分紀

失却君房

真廟時。日本國入貢。求本國神光寺記。舍人辭不工。令學士張君房代之。張退食多。潛飲市樓。掖垣求之。不得。大窘。時種放以司諫歸華山。揚大年為朗。忙令云。世上何人最為閑。司諫拂衣歸華山。世上何人最號壯。紫微失却張君房。
湘山野錄

連名繳奏

林太中遷中書舍人。風裁如臺中時。侂冑來見。公接之。無他語。使人通問。因願內交。又笑却之。彭龜年抗論。侂冑甚有旨。龜年除職。與邵公在西掖樓。鑰在瑣闥。連名上疏。又同繳奏。
樓攻媿集

兩上章論

曾文昭公肇。元祐初。遷中書舍人。門下侍郎韓維面奏。范百祿所為不正。黜維知鄧州。公不革制。兩上章論之。
言行錄

得繳詞頭

富鄭公知制誥制下。遂復國之封。鄭公繳還詞頭。封命遂寢。唐制唯給事中得封還。詔書中書舍人繳詞頭。蓋自鄭公始。
龍川志
舊制。執政除罷皆宣麻。呂惠公謫。因爭新法。求去。王安石陰沮之。乃使舍人院命詞蔡齊掌外制。繳詞頭。舉典故論之。安石勸上內批。今後樞密罷更不宣麻。
丁未錄

抑中人進官

胡銓兼中書舍人。有旨以中人李綽等嘗典發軍書。無誤。各進官一列。公不奉詔。綽等泣訴。上曰。胡銓不肯。
揚誠齋撰行狀

繳內侍升職

陳傅良字君舉。除中書舍人。封還詞頭。遇事輒發。張子仁建節。

陳源除內侍省押班率逢原升都統源供職自如而詞命不行終不得俸逢原先被宣劄已自書街公執奏再終不奉詔此二事無敢嬰其鋒者公神色不動來則繳奏旁觀者為之寒心搜攻媿撰行狀

獨當內外制

洪适除中書舍人內直如故方羽檄交馳書詔填委或夜召或細札咨訪公獨當內外制時時奉詔草制如乞防虞海道降詔親征多出公手大用之意已定周益公撰行狀

肥寧三舍人

李定除御史宋敏求蘇頌相繼封還詞命次至大臨亦還之世稱為肥寧三舍人四朝國史李大臨傳

封還邊帥詞頭

王巖叟除中書舍人滕元發自太原易許昌公封還詞頭言今以走馬承受一言便易詞頭此風寔長非委任安邊之福命遂寢言行錄

不草官管除制

劉敞知制誥官者石金彬正除觀察使公封還詞頭不草制其命遂止同上

未三十知制誥

宋朝未三十知制誥者蘇太簡二十六吳元中二十七晏元獻宋宣獻王懿恪張安國皆二十八王文正夏文莊皆二十雜記

古今文集

雜著

謝中書舍人表

蘇子瞻

右史記言已塵高選西垣視草復玷近班皆儒者之至榮豈平生之所望中謝竊以詞命之職古今所難非獨取之於文蓋將試之以事至於機務亦或與聞雖四戶擅權非當時之公議而五花判事亦前代之美談及夫三季之除乃是一切之政但謂內朝之法從安知宰相之屬官既任止於訓詞故權移於胥吏恬不知悔君為故常先皇帝道冠百王法垂萬世建六官而修故事闢三省以待異人典章一新名實皆正遂申明於四禁俾分類於六曹遠則追直閣之司近則通檢正之任雖未聞政而聞事蓋須有德而有言如臣之愚無一而可草創潤色既非鄭

國之林除書德音又乏唐人之譽忽當此選莫測其由茲蓋伏遇皇帝陛下將聖與仁能哲而惠雖在三年不言之際已有十日並照之光而臣日侍通英親聞訪道仰天威之甚近知聖鑒之難逃謂臣嘗受先朝之知實無左右之助棄瑕往昔青效將來臣敢不益勵素心無忘舊學上體周公煩悉之誥助成漢家深厚之文苟無曠官其敢言報

再謝中書舍人表

蘇子瞻

聖神獨斷出成命於省中衰病增光溢虛名於朝右訓詞之重士論所榮中謝臣聞有言逆心此古人所以顛沛積毀消骨非聖主莫能保全臣本受知於裕陵亦嘗見待以國士嘉其好直許以能文雖竄謫流離之餘決無可用而哀憐收拾之意終不

少衰抱弓劍以長號分替履之永矣豈期晚遇又過初心矧外
 制之初嚴極西垣之清要在唐之盛以馬周岑文本為得人近
 世所傳有楊億歐陽脩之故事不試而用于今幾人遂超同列
 之先遠繼前脩之末夫何頑鈍有此遭逢茲蓋伏遇太皇太后
 陛下憂國忘身愛民如子憂深故任其事者重愛極故為之慮
 也長敷求哲人以遺嗣聖所以兼收而並用庶幾有得于其間
 臣敢不盡其所能期於無愧始終自誓故常以道而事君夷險
 不同則必見危而受命

謝除中書舍人表

蘇子由

執筆柱下已愧疎空起草禁中尤為清切上慙主眷下愧人言
 中謝伏以西臺政教之原紫微論思之地緝熙庶政事得參稽

進退百僚言成訓誥昔趙孟治晉叔向為之謀主則楚無以當
 國僑為鄭子羽掌其辭令則國鮮敗事今臣所領頗近於斯宜
 得博達詳練之人疎通敏捷之士考覈邦典潤飾皇猷如臣樸
 訥少文迂拙自用。在仁祖時始以直言見收。下第在神考時復
 以封事獲對清光。不能自結於一時。旋復竄放於萬里。雖謀身
 之不暇。顧受任以何堪。泰壇之樽。何取溝中之斷。清廟之瑟。誤
 收竈下之焦。此蓋伏遇皇帝陛下。出震乘龍。代天理物。默然思
 道。專意於用人。穆若守成。選眾而求。舊憐臣一介之賤。偶為三
 世之陳。遺簪以故而見收。老馬以病而復養。不求其用。聊廣吾
 仁。臣雖力不逮人。而誠心未泯。學忘其舊。而一二猶存。敢不靖
 恭于朝。側聽高宗之言。政勉強以俟。幾見成王之措刑。

再謝中書舍人表

蘇子由

越從左史擢領西垣口出命書身參法從深念山林之迹本無
 富貴之心聞命若驚固辭不獲中謝伏念臣生本西蜀家世寒
 儒學以父兄為師貧無公卿之助私有求于祿養輒自力於文
 詞慨然東遊無以上達際會仁祖訪求直言策語猖狂時聖神
 之不諱考官怪怒思裨直之非宜孰知牴牾之言特被愛君之
 詔感激恩遇遂忘死生莫酬國士之知適有私門之禍未填溝
 壑重迫饑寒時於道途望見神考一封朝奏夕聞召對之音眾
 口交攻終致南遷之患生雖不遇嘗辱顧於二宗時不見容勢
 殆濱於九死厄窮自致前俛何言敢云衰病之餘復被寵光之
 幸此蓋伏遇太皇太后陛下母慈均覆坤德無私欲以任奴之

功躬行堯舜之道肆求多士以遺成王耆老畢會於朝廷耕築
 不遺於林莽遂令拔擢猥及空疎馮唐已衰猶願雲中之往貢
 禹雖老未忘封事之勤譬如木之在山生則荷恩而死無所怨
 水之於地行則潤下而止不敢辭臣之事君義亦如此欲報之
 誠非言所殫

辭免中書舍人劄子

汪藻

臣竊謂言語之科聖人以先政事代言之任朝廷隸之中書豈
 不以尊主庇民維持萬世者雖在功名而道主德義風動四方
 者實由詞命故區區之鄭能自立於晉楚之間者本國僑能言
 而唐德宗中興於肅代之後者亦緣陸贄知禮今陛下以英明
 上聖之資勵興衰撥亂之志方時多故政令未孚凡一語言必

欲使民知好惡所在當得如國僑陸贄者潤色討論濟艱難之業如臣何者辱此詔除此所以承命震惶而莫知所措也伏望陛下察臣學識本非所長加憂患百罹志衰氣索比嘗權攝三

辭除中書舍人表

汪藻

朝廷有命莫嚴內史之贊書漕漑何知遽補甘泉之法從既具又虛之選仍叨不試之除中謝伏念臣居世寡諧資身無策一官平進安知巧宦之機半世倦游長在窮愁之境昨幸蒙於起廢恩復許於參華適值時艱俄遭虜變身將淪於異域望已絕於中天豈意生還復膺謬使備史職中興之始攝詞臣多士之

餘所累之陳不堪代置乃誤便蕃之及遂使為真過分所期循名而懼茲蓋伏遇皇帝陛下兼收羣策光復不圖謂聰明睿智之有臨演號令文章之可述故掌制誥必以能言而臣學昧淵源文惟雕篆况齒髮早衰於多病而精神新耗於百憂大懼曠稜上孤甄擢雖不能草詔使武夫悍卒之涕流然常願輸忠俾君子小人之情得倘酬大造何有餘生

謝除中書舍人表

洪邁

記言左史甫沐於序遷掌制中書遽叨於直拜荷光靈之曲披循涯淡以難勝中謝伏念臣行能亡以瘡入愚曠而不逮事少年馳騫妄有意於功名壯歲崎嶇私自憐於力命未分山林之獨往耳從州郡之徒勞正違鳴玉之趨忽點賜環之召徑歸故

步。亟侍清光。官資兼五職之華。翰墨極一時之選。顧生成之特異。覺報稱以至難。可以言而言。造膝必期於展。盡非所據。而據謀身敢擇於便安。深虞羈迹之疾。顛乃辱脩門之孟進。矧是詞臣之貴。實為世掌之榮。父子相承。四上鑿坡之直。弟兄在望。三陪鳳閣之遊。共夸遭遇之殊。竊有滿盈之懼。茲蓋伏遇皇帝陛下。重華協帝。下武繼文。篤實輝光。而且新躬行仁義。溥博淵泉。而時出。獨化陶鈞。當循名責實之辰。欲砥節奉公之士。察其孤立。或效一長。使居侍從之班。仍在絲綸之地。臣敢不敬共官次。感誦天恩。魏魏其有成功。方際有為之會。斷斷而無他技。誓殫無億之忠。

辭免兼權中書舍人劄子

樓鑰

自揣僥逾。彌增震惕。中謝。某技能至薄。見謂頓遲。學術素疎。且多廢忘。躡遠左陛。曾閱日之未深。密待清光。懼記言之非稱。矧是續綸之要實。參造命之嚴非。智略該通。不足以裨贊國論。非辭章典麗。不足以潤色王猷。可使凡才。而與華選。暫承人之乏。雖第許於控辭。退暉時髦。顧豈容於冒進。欲望朝廷特賜敷奏。曲回宸命。更選詞臣。俾專柱下之官。庶愜廷中之議。

謝除中書舍人表

樓鑰

史筆屢書。深慙無補。綸闈以假。遽命為真。嘗控避而第。俞竟周章而就列。中謝。伏念臣受才謙薄。涉世闊疎。偶承累葉之儒科。寢頂清朝之官使。往分郡寄。何有民庸。當壽皇御極之時。曾四登於文陛。逮聖主題期之始。遂三入於脩門。首汗郎省之聯。旋

備賢閔之貳。貨泉出納。粗謹攸司。寶牒纂脩。復尋故步。晉班左
城攝事。西垣記注。非工有愧。螭吻之直。詞章至陋。殆為鳳閣之
羞。矧執愚之不移。或遇事而輒發。妨賢已甚。忤物且多。方喜悞
之交懷。恐顛躓之未免。力求引退。敢覬褒升。才思欲枯。安得湧
泉之敏。身章增煥。更貽濡味之譏。茲蓋恭遇皇帝陛下。命受羣
言。苟招衆俊。謂臣粗親小技。故使當訓誥之司。察臣素稟忠
或可效涓埃之助。敢於詳試。有此誤思。臣敢不思稱所蒙。益共
爾位。言惟作命。少禔風雷鼓舞之神。忠以事君。當謹朝夕論思
之職。

謝除中書舍人表

孫覲

代言辭掖。叨司史之贊書。持藁近班。綴甘泉之法從。縉紳所重。

翰墨為榮。豈謂臣愚。亦蒙試可。中謝恭以聖神獨御。鑒臨萬方。
必有訓誥誓命之文。大敷羣聽。用能禮樂征伐之出。咸仰至明。
惟茲辭令之臣。特重典刑之任。格于兆衆。以達聖心。使四方咨
嗟。而聳聞百世。驚動而興起。昔堯言布天下之廣。由傳誦以至
今。周書誥羣下之詳。以煩悉而行遠。豈臣么麼。所可使令。恭惟
皇帝陛下。有帝堯之文章。躬神禹之律度。以天縱多能之將聖。
群臣莫望於清光。乃以創殘之餘。猥塵潤色之選。昭回雲漢之
在上。光景畢陳。繪畫乾坤之為容。迺思已甚。况臣罹譴逐。內積
憂傷。心則不強。身其餘幾。然而見知於欲治之主。所遇者難得
之時。臣敢不洒掃濯其衷。明慎所職。體訓辭之深厚。期配昔人
師。訟雅之溫純。以章洪烈。

謝除中書舍人表

孫觀

支郡承流久在散材之月西垣視草遽塵法從之聯中謝臣聞
 極儒者之榮莫重文章翰墨之選鼓天下之動實開朝廷政令
 之施制規二帝之謨言合六經之訓感厲一時忠義之氣而武
 夫悔禍於片言布宣九重德意之孚而父老貪榮於垂歎豈但
 精誠之格實繫播告之修伏念臣情學無師編衷自信文辭訥
 敏久貽晉詭之譏骨相卑墮敢嘆臆軍之厄蓋圖幽并以謝空
 倉遽頒命紱之新加賁遺簪之舊延登學省召節已行還貳憲
 臺寵私未替詔尚方而給札忝內史之贊書三折肱而為醫方
 追懲於枉謬九頓首而重拜遽叨沐於殊私寵至若驚恍惟就
 列恭惟皇帝陛下聰明元后博大真人乾龍應於天行溥風孚

於邦號當有鴻文碩學之士上副厲精更化之懷顧臣何人適
 預茲選老夫既愆之力豈足舉明主於三代之隆斐然不腆之
 辭猶能奏薄技於從官之內普殫微效上答深仁

辭免兼權中書舍人狀

吳永叔

光命異由愚衷震惕伏以太一坐紫微之垣下臨圖書上主詞
 令俱為華選專用英髦如集學不足以知方文不足以飾治曩
 塵冊府曾璣等以三遷比直詞垣亦叨榮者一載搜訪遺文以
 補書逸繳還成命以繩官邪雖云粗盡於厥心初亦何裨於更
 化豈期謀渥復及陳人還貳書林豈敢方元祐之人物改權中
 舍而乃用紹興之典彝一旦不堪二難兼取若令磨鉢吮墨尚
 殫典校之勞如復翻敕批黃是速顛躋之咎母拘反汗不敢妨

賢

再辭免權中書舍人狀

吳永叔

其竊曰宥坐之器盈則覆仲尼憂太盛之易衰耳實之本根必傷文子慎兼榮之難保今兄弟一門聯登要路可謂太盛矣內外兩制皆代王言可謂兼榮矣居盛而不戒則危譽榮而不已則辱若非安當止之分何以免交謫之言比於黃紙之初除五上控辭之牘繼以赤青之間作三陳祠祿之章且依屢降之指揮不許再行於陳請若退而自嘿幾諄戾於先猷復進而自言是重違於聖旨其之進退至此周章與其身兼數器而獨具書生之榮曷若知效一官而免供中舍之職矧詞章係國脉之隆替而論駁關朝綱之重輕儻久據於華津豈不妨於賢路今巧

匠袖雲斤而未試良工櫝美玉而弗沽非甄拔而用之則無以展其器能非磨淬而新之則無以揚其風采輒忘踈陋敢遜譽髦裨謨草創世叔討論為命且一人之力宰我言語子游文學設科須衆善之長度於有道之朝得免蔽賢之罰更祈敷奏即賜允俞

辭免中書舍人申省狀

洪咨夔

挾日再遷寸衷積悻伏念某賦資至陋遇事最踈甫叨赤墀供奉之官遽劾烏臺分察之士宜加誅斥廼被褻除矧討論欲貫於皇猷而封駁亦闕於國論詎容冒處自速煩言欲望朝廷特賜敷奏收絲綸之新渥昇香火之叢祠所以省劄某未敢祇受

辭免兼權中書舍人狀

劉克莊

奎畫游放危衷交戰竊惟書命之職宜屬材敏之人曾華占紙
 肆書而可傳劉敞立馬一揮而已就雖云攝之亦必當仁如某
 者舊聞久荒拙思尤鈍凡片文隻字狂簡之作皆積日累月鏤
 鍊而成蓋山林枯槁者之爲於朝廷潤色而奚取若使不量膚
 淺冒處高華非惟包越俎之羞又將起斲窻之誚欲望朝廷特
 賜敷奏收還諛渥改昇英髦以重詞垣以穆朝論

辭免兼權直舍人院狀

吳永叔

某被命頗仍省躬震惕居編摩之府總及五旬登著作之庭未
 經一月當明主勵精之始正微臣思報之秋而學不足以網羅
 舊聞識不足以通達時務方虞黜責豈望超陞矧替書王國之
 精華而論駁公朝之機脉開寶之後僅聞兩中允之除熙寧以

來始見三舍人之盛豈宜朴學暫使兼官雖資淺望輕在禮弗
 容於控免然職親地禁非才恐速於顛隳伏望朝廷特賜敷奏
 收回成命改異時髦庶農馬之能少答乾坤之施

辭免兼直舍人院狀

吳永叔

冒膺兼組增揚孤衷伏念某頓自著庭暫權右掖無英詞以鼓
 天下之動無宏議以植朝廷之綱掛名忝與於荆花嫉惡但思
 於去草粵稽元祐嘗用蜀珍咸惟蘇軾范百祿之賢能繳李定
 張誠一之惡自愧寒鄉之晚進敢攀前哲之高風比還二凶之
 詞荷垂九陛之聽然而歷時滋未久假不歸縱未致於煩言亦
 弗寧於方寸正欲露章而控免豈期帶職以超遷既升武監之
 華仍正詞垣之直雖軍旅之事未之學尚能閱戎器之精粗以

帝王之制舉而行恐難稱皇猷之潤色寧專農馬之智敢冒熊魚之燕

回鄭錢二舍人書

歐陽脩

顯奉制因陛華禁掖誣膺聖選式協輿談朝廷之體尊嚴王者之居淵默德澤宣布必使入人心之深號令發揮而能鼓天下之動惟是代言之任實資博古之英伏惟某官履行敦方材猷敏茂藹一鄉之佳譽掩衆俊以名科通達古今固已優游於儒學出入侍從是宜顧問於清間果被命命並司典訓竦萬方之視聽追三代之文章遂陞榮塗益奮賢業共慶得入之盛方深竊林之私速辱謙撫特貽誨翰感銘之素敷奏奚殫

回諫院吳舍人書

歐陽脩

光奉制恩入司書命得人爲盛輿頌同欣伏惟某官器稟純明道探淵蘊清名峻望獨映於一時顧學高文素推於羣彥果被上心之東進膺寵命之華紅藥翻階直禁垣之清切紫荷持橐擁法從以雍容文章追三代之風號令警四方之聽允歸鴻筆增重本朝顧惟衰朽之退藏方與縉紳而竊打豈期謙眷特枉誨函感服之私敷言固既

回李舍人書

歐陽脩

顯膺寵命入直禁垣臺閣得賢縉紳共慶舍人器涵遠德蘊純深講仁義之淵源極天水之精稔備言語侍從之列承清問顧問之榮特望蔚然輿談久屬果被上心之東進司書命之嚴惟帝制之坦明必訓辭之深厚金相玉振煥三代之文章雷動

風行警四方之耳目遂歸鴻筆增重本朝顧惟衰病之餘敢辱
眷勅之貺遽先惠問益認撫謙感服欣愉敷陳罔既

中書門下雀官壁記

洪邁

兩省之官十有二唐制也今散騎常侍缺繇諫大夫而下別為
諫院同門而異戶唯給事中中書舍人左右起居實同省其員
亦十有二渡江以來蓋損三之一然亦未嘗備也給舍以法從
為職凡紫微黃門之政無論大小實書之實行之其未建者得
以告而還之兩起居日侍殿上備顧問皆各一時清切要官然
去來姓名不謹於掌故四十年間已泯散不可考邁兄弟前後
四人省舉致意焉邁去右史五年而復至乃竟成之獨建炎年
時為不整敘或失其所來及所去官姑存之合為百七十有五

人其重至三至者二十有五今廊廟五人皆從五省于青雲
而直上異時莫成焉權官不書獨記南陽公所以尊宰相重吾
省也題名成又請浙東相公大隸表其上乾道三年二月二十
五日記

古詩

題舍人古意

徐彥伯

巢君綠梧樹舞君青瑣闥或言鳳池環禁林仙閣霧沉沉璇題
激沉日珠綴綿清陰郁穆帝言重榮煌口座深鳳張丹旆翮月
弄紫庭音

律詩

賀李舍人

亡名

拜命大西境偏承聖主恩黃扉陪漢制彩筆代堯言

綸閣有感

司空圖

風濤曾阻化鱗來誰料蓬瀛路却開欲去遲遲還自笑任才應不是仙才

送崔舍人

裴度

赤墀同拜紫泥封四牡連徵侍九重唯有白鬚張司馬不喜名利尚相從

早入中書

錢翊

不意雲霄能自致空驚鴛鴦忽相隨臘雪新晴柏子殿春風欲上萬年枝

上徐中書

褚朝陽

中禁仙池越鳳凰池邊詞客紫微郎既能作頌雄風起何不時吹蘭蕙香

喜楊舍人入翰林

盧肇

御筆親批翰長街夜闋金殿送瑤緘平明玉案臨宣室已見龍光出傳巖

中書宿齋有感

權德輿

銅壺滴漏斗闌干泛灩金波照露盤遙想洞房眠正熟不堪深夜鳳池寒

寄王二十四舍人

司空圖

幾年溪上約同遊擬為蓮峰別樣樓今日鳳凰池畔客五千仞雪不回頭

中書連直

白居易

今年寒食夜西省鳳池頭誠知視草貴未免對花愁

西省郎事

岑參

西掖重雲開禁署北山疎雨點朝衣千門柳色連青鎖二殿花香入紫微

又

白居易

絲綸閣下文章靜鐘鼓樓中刻漏長獨坐黃昏誰是伴紫微花對紫微郎

絕句

亡名

紫泥初熟詔書成紅藥翻階書影清屋瓦生烟宮漏永時聞鳥自呼名

上李舍人

亡名

西掖深沈大帝居紫微西省掌文書天闈啓鑰趨朝後侍史焚香起草初

和宗人見賀

亡名

分班曉入鸞翔閣直閣旁連浴鳳池彩筆閣批五色詔好風時動萬年枝

東同舍

亡名

大微西掖鳳池遙西閣凌空爲起烟彩筆時批尺一詔直廬深在九重天

寄第三閣老兼呈白馮二閣老

韓退之

墻下春渠入禁溝渠水初破滿渠浮鳳池近日長先暖流到池

逸更不流

題中書院壁

王介甫

夜闌金鑰詔詞臣對御抽臺草帝綸須信朝家重儒術一時同榜用三人

訪沈舍人不遇

趙嘏

溪翁強訪紫微郎曉鼓聲中滿鬢霜知在禁闈人不見好風飄下九夫香

賀同年翰林從叔知制誥

李頎

仙禁何人躡舊蹤孔門先選得真龍別居雲路拋三省專掌大書在九重五色揮毫成渙汗百家班下獨從容芳年貴盛誰爲比鬱鬱青青嶽頂松

朝下寄李舍人

耿緯

侍臣鳴珮出西曹鸞殿分階翊彩旄瑞氣迴浮青玉案日華遙上赤霜袍花間熠熠雲旗合鳥外停停露掌高肯念萬年芳樹裏隨風一葉在蓬蒿

寄制誥李舍人

羅隱

梁主握豹韜雪裏見枚臯上客趨丹陛遊人歎一毛門閑知待詔星動想濡毫一首長楊賦應嫌索價高

鄭州獻從叔舍人

李商隱

蓬岳煙霞闔苑鍾三宮歲奏附金龍茅君奕世仙曹貴許掾全家道氣濃絳簡尚參黃紙案丹爐猶用紫泥封不知他自華陽洞許上經樓第幾重

周程九早入中書

錢起

漢家賢相重英奇，蟠木何材也見知。不意雲霄能自致，空驚鷺鷥忽相隨。臘雪初明柏子殿，春光欲上萬年枝。獨慚皇鑒明如日，未厭螢光向玉墀。

贈闕下裴舍人

二月黃鶯飛上林，春城紫禁曉陰陰。長樂鍾聲花外盡，龍池柳色雨中深。陽和不散窮途恨，雲漢常懸捧日心。獻賦十年猶未遇，羞將白髮對華簪。

獻中書湯舍人

李中

慶雲呈瑞為明時，演暢絲綸在紫微。鑾殿對時親舜日，鯉庭過處着萊衣。閑尋竹寺聽啼鳥，吟倚江樓戀落暉。隔座銀屏看是

設一門清貴古今稀

上翰林蕭舍人

溫庭筠

人間鴛鴦香難從，獨恨金扉直九重。萬象晚歸仁壽錦，百花春隔景陽鐘。紫微芒動詞初出，紅臘香殘詔未封。每過朱門愛庭樹，一枝何日許相容。

上裴度舍人

王建

小松雙對鳳池開，履迹衣香遍上台。天意皆從彩毫出，宸心盡向紫烟來。非時玉案呈宣旨，每日金階謝賜回。仙侶何因記名姓，縣丞頭白走塵埃。

奉和賈至舍人早朝大明宮

岑參

雞鳴紫陌曙光寒，鶯囀皇州春色闌。金鎖曉鐘開萬戶，玉階仙

事文類聚卷之七
仗擁千官花迎劍佩星初落柳拂旌旗露未乾獨有鳳凰池上
客陽春一曲和皆難

直中書省

謝元

紫殿肅陰陰彤庭赫弘敞風動萬年枝日華承露掌玲瓏結綺
綫深沉映朱網紅藥當階翻蒼苔依砌上茲言翔鳳池鳴珮多
清響

和祖釋之登紫微閣二首

王介甫

漠漠秋陰護掖垣青雲只在兩楹間宮樓唱罷雞人遠門闕朝
歸虎士閑華蓋北瞻天帝座蓬萊東想道家山却慙久此隨諸
彥文采初無豹一斑
掖門相對敞銅鑲轡轡飛甍在兩間潤色平生知地禁登臨此

日愧身閑浮雲倒影移空際落木回飈動屋山忽憶初來秋尚
早紫微花點綠苔班

上西垣舍人

王介甫

共說才高世所珍諸賢誰敢望光塵討論潤色今爲美學問文
章老更醇賦擬相如真復似詩看子建的應親仍聞悟生言多
直許史家竟往往嗔

早稲田大学図書館

011488600151